



ՊԱՏԻՎ ՈՒՆԵՄ



ՀԻՄՆԱՎՈՐ ԳԻՏԵԼԻՔՈՎ ԴԵՊՒ ԿՐԺԱՆԱՊԱՏԻՎ ԾԱՌԱՅՈՒԹՅՈՒՆ Թիվ 1(32), 29 հունվարի, 2021թ.
ՀՀ ՈՍՏԻԿԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

ՆՈՐ ՊԱՐԵՎԱՅԻՆ ԾԱՌԱՅՈՒԹՅԱՆ ԴԱՍԵՆԹԱՑԱՎԱՐՆԵՐՆ ՍՏԱՅԱՆ ԻՐԵՆՑ ՀԱՎԱՍՏԱԳՐԵՐԸ



Սունվարի 15-ին ՀՀ ոստիկանության կրթահամալիրի նիստերի դահլիճում տեղի ունեցավ ոստիկանության հիմնական տակտիկական պատրաստակամության վերաբերյալ «Վերապատրաստում վերապատրաստողների համար» (ՎՎ) դասընթացի մասնակիցների հավաստագրերի հանձնման հանդիսավոր արարողությունը:

Դասընթացը կազմակերպվել էր ԻՍԻԹԱՓ (Միջազգային քրեական հետախուզության ուսումնական օժանդակման ծրագիր) առաքելության, ՀՀ արդարադատության նախարարության և ՀՀ ոստիկանության կրթահամալիրի նախաձեռնությամբ: Դեկտեմբերի 1-ից մինչև հունվարի 15-ը տևած դասընթացը վարում էին ԱՄՆ Տեխաս նահանգի և Վրաստանի Հանրապետության փորձառու պարեկային ոստիկանները, որոնք այս ընթացքում իրենց փորձն են փոխանցել ՀՀ ոստիկանությունում նոր կազմավորվող պարեկային ծառայությունում պաշտոնի նշանակման նպատակով անցկացվող դասընթացի ապագա դասընթացավար-իրահանողներին:

Հավաստագրերի հանձնման արարողության մեկնարկին ՀՀ ոստիկանության կրթահամալիրի պետ, ոստիկանության գեներալ-մայոր Մ.Բաբայանը շնորհակալություն հայտնեց դասախոսներին ու մասնակիցներին՝ նշելով, որ դասընթացը բարձր որակավորման չափանիշներով և ՀՀ-ում իր ձևաչափով եզակի է, իսկ մասնակիցները, փաստո-

րեն, ՀՀ-ում առաջին են, որ կունենան նման հավաստագիր: Ծրագրի հաջող իրականացման համար Մ.Բաբայանն առանձնակի շնորհակալություն հայտնեց ՀՀ-ում ԱՄՆ դեսպանատան, ՀՀ արդարադատության նախարարության աշխատակիցներին և ԱՄՆ-ից ու Վրաստանի Հանրապետությունից ժամանած մասնագետներին:

ՀՀ արդարադատության նախարարության միջազգային իրավական համագործակցության համակարգող, խորհրդական Անայա Հովսեփյանն էլ շնորհակալություն հայտնեց դասընթացի բոլոր կազմակերպիչներին և դասախոսներին: Նա ընդգծեց նոր ստեղծվող պարեկային ոստիկանության դերն ու կարևորությունը բարեփոխումների շրջանակներում:

ԻՍԻԹԱՓ (Միջազգային քրեական հետախուզության վերաբերյալ ուսումնական օժանդակման ծրագիր) առաքելության խորհրդատու Թիմ Դոնոհեն էլ իր հերթին շնորհակալություն հայտնեց դասախոսներին ու մասնակից դասընթացավարներին (իրահանողներին): «Ես կարծում եմ, որ սա դասավանդման այլ մեթոդաբանություն է պահանջում: Վստահ եմ, որ այս դասընթացում ընդգրկված մասնակիցները կցուցաբերեն իրենց ակտիվությունն ու նախաձեռնողականությունը»:

Միջոցառումն ավարտվեց հավաստագրերի հանդիսավոր հանձնմամբ:



ԳԻՏԱԿԱՆ ՆՈՐ ԱՇԽԱՏՈՒԹՅՈՒՆՆԵՐ ԿՐԹԱՅԱՍԱԼԻՐՈՒՄ

Վերջերս ՀՀ ոստիկանության կրթահամալիրում լույս են ընծայվել սահմանադրական իրավունքի, քրեական դատավարության, քրեական իրավունքի, ոստիկանության հատուկ տակտիկական պատրաստակամության ոլորտներում մի շարք գիտական աշխատություններ, որոնք կծառայեն կրթահամալիրի պրոֆեսորադասախոսական կազմի և սովորողների մասնագիտական կատարելագործմանը:

Քրեական իրավունքի ոլորտում քրեական իրավունքի և քրեաբանության ամբիոնի պետ, ի.գ.թ., ոստիկանության փոխգնդապետ Հ. Խաչատրյանի հեղինակային «ՀՀ-ում անչափահասների խմբային հանցավորություն» վերտառությամբ մենագրությունը և «Կրիմինալոգիական հասկացություններ (եզրույթներ)» վերտառությամբ ուսումնատեղեկատվական ձեռնարկը:

«ՀՀ-ում անչափահասների խմբային հանցավորություն» մենագրությունն առաջին համալիր և ամբողջական ուսումնասիրությունն է, որում քննարկվում է անչափահասների հանցավորության հակազդման հիմնախնդիրներից մեկը՝ անչափահասների խմբային հանցավոր գործունեությունը:

ակադեմիայի քրեական դատավարության ամբիոնի դոցենտ, ոստիկանության փոխգնդապետ Հասմիկ Սմբատյանի «Հայաստանի Հանրապետության քրեական իրավունք (ընդհանուր մաս)» ուսումնագործական ձեռնարկը, ինչպես նաև ակադեմիայի քրեական իրավունքի և քրեաբանության ամբիոնի ավագ դասախոս, ի.գ.թ., ոստիկանության մայոր Լալա Գրիգորյանի հեղինակած «Հանցագործության միջնորդավորված կատարման համար քրեական պատասխանատվության տեսական և գործնական հիմնախնդիրները» վերտառությամբ մենագրությունը:

Սահմանադրական իրավունքի ոլորտում ՀՀ ոստիկանության կրթահամալիրի ակադեմիայի քաղաքացիական իրավունքի և քաղաքացիական դատավարության ամբիոնի դասախոս, ոստիկանության կապիտան Աննա Ադամյանի հեղինակած «Իրավակարգի ապահովման ոլորտում ՀՀ տեղական ինքնակառավարման մարմինների գործունեության սահմանադրարկական հիմքերը» («Конституционно-правовые основы деятельности органов местного самоуправления в сфере обеспечения правопорядка в Республике Армения»)



Աշխատությունում ուսումնասիրվում է քննարկվում է անչափահասների խմբային հանցավորության հասկացությունը, առանձնահատկությունները, վիճակը, շարժընթացը, կառուցվածքը, զարգացման միտումները, անչափահասների հանցավոր խմբերի տիպերը, խմբի կազմում հանցանք կատարած անչափահասի բնութագրիչ առանձնահատկությունները, անչափահասների խմբային հանցավորության պատճառներն ու պայմանները, կանխարգելման հնարավորություններն ու միջոցները:

«Կրիմինալոգիական հասկացություններ (եզրույթներ)» ձեռնարկը նախատեսված է «Կրիմինալոգիա» դասընթացի դասավանդման համար:

Ձեռնարկը կարող է օգտակար լինել «Կրիմինալոգիա» առարկան դասավանդողների, ուսանողների, դատական և իրավապահ մարմինների աշխատողների, փաստաբանների, կրիմինալոգիայի հիմնախնդիրներով զբաղվող գիտաշխատողների, ինչպես նաև հանցավորության կանխարգելման հարցերով հետաքրքրվող անձանց համար:

ՀՀ ոստիկանության կրթահամալիրի

թեմայով մենագրությունը, Հատուկ տակտիկական պատրաստակամության կրթահամալիրի քոլեջի տակտիկական պատրաստակամության ամբիոնի պետ, ոստիկանության փոխգնդապետ Գոռ Մուրադյանի «9մմ «Մակարով» ատրճանակ» ուսումնատեղեկական ձեռնարկը և Նույն ամբիոնի դոցենտ, ոստիկանության փոխգնդապետ Վահագն Ֆրանկյանի «Ոստիկանության սպառազինության մեջ ընդգրկված հատուկ միջոցառումների իրականացման հատուկ միջոցների կիրառման կարգը» ուսումնադիդակտիկ հրատարակությունը:

Քրեական դատավարության ոլորտում ՀՀ սահմանադրական դատարանի աշխատակազմի փորձագիտական-վերլուծական ծառայության գլխավոր մասնագետ Արտակ Ղազարյանի «Ժողովրդական մեղադրանքը (actio popularis) և դրա ներդրման հեռավարները հայկական քրեական դատավարությունում» վերտառությամբ մենագրությունը:

Շնորհավորում ենք աշխատությունների հեղինակներին՝ մաղթելով գիտական նոր ձեռքբերումներ:

ԱՅՍ ՏԱՐՎԱ ԱՆԴՐԱՆԻՎ ՆԻՍՏԸ



Սույն թվականի հունվարի 13-ին տեղի ունեցավ ՀՀ ոստիկանության կրթահամալիրի գիտական խորհրդի 2021 թվականի 1-ին նիստը: Օրակարգի հարցի քննարկման արդյունքում գիտական խորհուրդը որոշեց փոփոխություններ և լրացումներ կատարել ՀՀ ոստիկանության կրթահամալիրի գիտական խորհրդի 11.02.2015 թիվ 2 նիստում հաստատված «ՀՀ ոստիկանության կրթահամալիրից սովորողների ազատման, ուսումնառության ընդհատման, վերականգնման և տեղափոխման կարգ»-ում և ՀՀ ոստիկանության կրթահամալիրի գիտական խորհրդի 01.10.2019 թիվ 10 նիստում հաստատված ՀՀ ոստիկանության կրթահամալիրի պայմանագրային հիմունքներով դասախոսների վարձատրության չափերը սահմանելու մասին որոշման մեջ, ինչպես նաև սահմանեց «Ոստիկանական գործ» մասնագիտության «պարելկ» որակավորմամբ նախնական մասնագիտական կրթական ծրագրով ուսուցմանը և դրան համապատասխան լրացուցիչ կրթական ծրագրով վերապատրաստմանը որպես դասախոսներ գրավված ՀՀ ոստիկանության կրթահամալիրի պրոֆեսորադասախոսական անձնակազմի համար ամենամսյա հավելավճար:

ԻՐԱՎԱԳԵՏ ՄԱԳԻՍՏՐՈՍՆԵՐՆ ՍՏԱՅԱՆ ԻՐԵՆՅ ԴԻՊԼՈՄՆԵՐԸ

Դեկտեմբերի 30-ին կայացավ ՀՀ ոստիկանության կրթահամալիրի ակադեմիայի մագիստրատուրայի հեռակա ուսուցման 2020-2021 ուսումնական տարվա շրջանավարտների դիպլոմների հանձնման արարողությունը: 19 շրջանավարտներից 5-ն արժանացան գերազանցության դիպլոմի: ՀՀ ոստիկանության կրթահամալիրի պետ, ոստիկանության գեներալ-մայոր Մ. Բաբայանը, օգտվելով առիթից, շնորհավորեց բոլորի գալիք Ամանորն ու Սուրբ ծնունդը՝ մաղթելով, որ նորընծա մագիստրոսները լիարժեք կերպով ներդրեն ստացած գիտելիքներն իրենց աշխատանքում, լինեն պատվախնդիր ու բարեխիղճ մասնագետներ: Մ.Բաբայանը նաև հույս հայտնեց, որ գալիք տարվա ընթացքում մագիստրոս իրավաբաններն արժանապատվորեն կծառայեն իրենց գիտելիքները՝ ի նպաստ հայրենիքի հզորացմանն ու խաղաղությանը:



ՄԱԳԻՍՏՐՈՍԱԿԱՆ ԹԵԶԵՐԻ ՊԱՇՏՊԱՆՈՒԹՅՈՒՆ

Դեկտեմբերի 23-ին անցկացվեց ՀՀ ոստիկանության կրթահամալիրի ակադեմիայի մագիստրատուրայի հեռակա ուսուցման 2020-2021 ուսումնական տարվա շրջանավարտների ամփոփիչ ատեստավորումը և նախորդ ուստարվա մեկ շրջանավարտի վերատեստավորումը: Ատեստավորման հանձնաժողովի նախագահն էր ՀՀ ոստիկանության պետի տեղակալ,

ոստիկանության գնդապետ Ա.Ֆիդանյանը: Մագիստրոսական թեզերի պաշտպանությանը մասնակցում էր 19 շրջանավարտ, որոնցից 5-ն արժանացան գերազանցության դիպլոմի: Շնորհավորում ենք իրավագիտության նորընծա մագիստրոսներին՝ մաղթելով գիտական և մասնագիտական նորանոր վերելքներ:

ՈՎ ՔՆԱԾ Է, ԱՐԹՈՒՆ ԿԱՅԵԸ

Երկար ու ծիգ տարիներ սուրբ մատուցելու պես խնամքով պահում ու պահպանում էի Գրիգոր պապիս մասին պատմող բոլոր թերթերը և ամեն անգամ պատահական ձեռքս ընկնելիս մի ներքին հպարտություն էի զգում: Երբեք չեմ փորձել նվիրյալ պապիս մասին որևէ բան գրել, իմ սերնդակիցներին ներկայացնել նրա ապրած կյանքի հերոսական դրվագները, մինչդեռ նրա մասին պատմող էջերը տարեցտարի դեղնում էին ու խունամուն: Հետաքրքիր է, որ ամեն անգամ նույն խանդավառությամբ ու ներքին հպարտությամբ էի ընթերցում պապիս քաջագործությունները և մտովի ուզում էի հասկանալ, թե պապիս շառավիղներից ո՞վ է գեներով ավելի շատ նման նրան, բայց չէի հասկանում, որ հատկապես որոշակի էքստրեմալ իրավիճակներում է բացահայտվում բնավորության այս կամ այն գիծը կամ գեներն բնորոշ հատկությունը... 1917-21 թվականներին նրա անունը ահ ու սարսափի մեջ էր պահում բոլոր թուրք ելուզակներին, որոնք հարձակվում էին հայկական գյուղերի վրա, գողանում, թալանում, առևանգում և սպանում: Հենց այնտեղ ու ամենուր էր նրա անունը: Բավական էր, որ մեկը սուտ գոռար, թե՛ հասի՛ր, Թաթուղի՛ (նրան այդ անունով էին ճանաչում թուրքերը), թուրքերը թողնում ու լեղապատառ փախչում էին: Թաթուղին (Թաթի որդի) քաջագուն հայրդի էր՝ ծնված դաշտային Արցախի Բանանց հայաբնակ գյուղում: Անվախ երիտասարդը մեծ-մեծակ դուրս էր գալիս 3-4 թուրքի դեմ ու հաղթում: Որտեղ մի թուրք էր սպանվում, ահաբեկված թշնամին ասում էր՝ Թաթուղու ձեռքի գործն է: Տաճկաստանի պատերազմում 3-4 տարի կռվելը նրա համար ռազմական մեծ դպրոց էր եղել: Այնտեղ էր նա ստացել մարտական առաջին մկրտությունը և սիրանքների համար արժանացել Գեորգևյան 4 խաչերի: Գրիգորն այնքան էր հմտացել ռազմական գործի մեջ, ճաշակել ռազմի դաշտի բոլոր տառապանքները, որ ոչ մի տեսակի դժվարություններից չվախեցող դյուցազունը, որքան էլ թշնամին բազմամարդ լիներ, լավ անրացած ու դիրքավորված, փոքրաթիվ հալածի գլուխն անցած, անակնկալ հարվածում էր և անխնա սրի քաշում նրանց, իսկ կենդանի մնացածները խուճապահար դիմում էին փախուստի: Օրհասական պահերին նրա մի ոտքը Հայաստանում էր, մյուսը՝ Արցախում: ...Պապս բախտ ունեցավ սերունդ թողնելու, երկար ապրելու: Հաճախ էր պատահում, որ խորհրդային տարիներին շրջակա գյուղերի բնակիչները, նրան չճանաչելով, պատմեին քաջ Թաթուղու հերոսությունները, իսկ պապս լսում էր ու քթի տակ մեղմ ժպտում: Հայրենական մեծ պատերազմը նոր էր ավարտվել: Գրիգոր պապս հիվանդ պառկած էր Դաշքեսանի հիվանդանոցում: Աղբբեջանցի բժիշկը, իմանալով, որ իր հիվանդը լեգենդար Թաթուղին է, կես լուրջ, կես կատակ ասում է, թե ինքը Մոսկվայից բերած լավ դեղերով կբուժի նրան, եթե վերջինս ասի, թե իր կյանքում քանի թուրք է սպանել: -Եթե իմանայի, որ իմ կյանքի վերջում պետք է որևէ մեկին հաշիվ տամ, հետս հաշվապահ ման կտայի,- առանց վարանելու պատասխանում է Գրիգոր պապս:

Պա՛պ ջան, իմ հերոս Թաթուղի պապիկ, փոխվել են ժամանակները, փոխվել է աշխարհը, սակայն այս քաղաքակիրթ աշխարհում քո թշնամին, իմ թշնամին, մեր թշնամին նույնն է մնացել, մնացել է նույն բարբարոսն ու արնախումը, նույն վայրագն ու հրոսակը: Սակայն իմացի՛ր, Գրիգոր պապիկ, այսօր էլ շատ քաջասիրտ հայրդիներ Անդրանիկի, Աղբյուր Սերոբի, Արաբոյի և քո օրինակով ելել են պաշտպանելու հող հայրենին: Նրանք կենաց ու մահու կռիվ են տալիս, որ անիրավ թուրքերը չպղծեն մեր մանկության արահետները, մեր շեներն ու սրբավայրերը: Ցավոք, ահեղ մարտերից մեկում բազում հայրդիների հետ նահատակվեց նաև քո արժանի ծոռը՝ Աղասարյան Յուրան... Հավերժ փառք մեր հերոս տղաներին: Այո՛, հզոր է հայի գեներ, և մեր էպոսի հորեղբայր Օհանի ծայնն է այն, որ ծակել է տալիս հազար գոմշի կաշի և հազար ջաղացքար: Դե՛, ուրեմն՝ ՈՎ ՔՆԱԾ Է, ԱՐԹՈՒՆ ԿԱՅԵԸ... Կարինե Բաղդասարյան ավագ ենթասպա

ԱՐՅԱՎԻՐՔՆԵՐՈՎ ԼԻ ՈՒՄՈՒՄՆԱԿԱՆ ՏԱՐԻ

Սերնդափոխությունը բարդ և բազմաշերտ ընթացքներով է հարուստ. նորերն ավելի հեշտ են հարմարվում կյանքի արագահոս ընթացքին, հները հարուստ են իրենց կենսափորձով, կյանքի դժվարություններին դիմակայելու իրենց ճկունությամբ, զսպվածությամբ, նորերի սխալները ներելու կարողությամբ, նրանց ճիշտ ուղի ցույց տալու համբերատարությամբ: Գալիք սերնդի մեջ ցանկանում ենք մեր երագածը տեսնել, որի իրագործման ճանապարհին ինքներս մեզ մշտապես վերափոխում և վերակառուցում ենք: 2020 թվականն իր հետ բերեց կորոնավիրուսային համավարակը, որի արդյունքում կյանքը խաթարվեց. կարծես Աստված յուրաքանչյուրիս ժամանակ տվեց իսկական արժեքները վերագնահատելու:



Կողմից պայքարում էինք համաճարակի, իսկ մյուս կողմից՝ պատերազմի բերած սարսափելի հետևանքների դեմ, որի արդյունքում մեզանից կամքի ուժ, կորով և անսահման նվիրվածություն էր պահանջվում, ապրելու և կրկին արարելու տենչն էր ակնկալվում: Այդ օրերին կյանքի-մահու կռիվ էր գնում, սահմանին կանգնած ամեն հայրողի հերոսաբար պաշտպանում էր մեր հայրենի հողը: Նրանք հայրական խրատով են պաշտել հայրենիքը, իրենց ուսուցիչն է ուսուցանել հայրենասիրություն: Հայ մայրերից են ծնվում առյուծ զավակներ, և մայրական կաթով են փոխանցվում արիությունը, խիզախումի ոգին և հայրենասիրությունը, ուստի նրանք վճռական պահերին պատրաստ են պաշտպանելու ամենաթանկը՝ հայրենիքը, ընտանիքը, սերը:

ՀՀ ոստիկանության կրթահամալիրում սովորում են իսկապես լավագույնները: Սա խիզախների կրթօջախ է:

Կիսամյակը դեռ նոր էր սկսել, դասապրոցները նոր էր հարմարեցվել համավարակի թելադրած պահանջներին, երբ հնչեց պատերազմի բոթը: Կրթահամալիրի վճարովի ուսուցման սովորողներն առանց վարանելու համալրեցին հայրենիքի անձնուրաց պաշտպանների շարքը: Սակայն սա անմախաղեպ պատերազմ էր: Եվ մենք ունեցանք շատ կորուստներ, հերոսացած տղաների թափված արյուն, սուրբ հողի համար մարտնչող խաղաղատենչ բնակչություն, իրենց հայրենիքում ապրելու արդար պահանջով կռվի ելած ահել-ջահել, կենդանության օրոք հերոսի փառքի արժանացած տղաներ, հետմահու հերոսացված նահատակներ, վիրավորված և ցավերի մեջ տառապող մանկահասակ երեխաներ, սեփական տան ավերված մոխրակույտը տեսնող ծերունու աչքեր, արհավիրքի և ստորգետնյա ապաստարանների մեջ ապրող մազապուրծ ընտանիքներ:

Այս պատերազմը խելքի, մտքի ու բազկի պատերազմ էր. երկնքից արկերի կարկուտ էր թափվում. ու դժբախտության կարկուտը թափվեց հայ մայրերի գլխին, երեխաներ որբացան, դեռ ոտքը չդրած կյանքի մեծ ճանապարհին կյանքին հրաժեշտ տվեցին 18-19

տարեկան հազարավոր պատանիներ: Բայց ժամանակը և օրվա հրամայականը պարտադրեց մեզ չընկճվել, չթուլանալ. վրեժ ունենք լուծելու...

Կոմիտասյան «Կռունկ» միշտ է հնչելու, քանի որ հայկական եկեղեցին ավերելով՝ հայի հավատքն ու հույսը չեն կարող քանդել: Հայ ազգը եղել է և հավերժ կմնա: Աստված սրբելու է մեր արցունքները, մեր սրտի ցավը մեղմելու է, խաղաղ երկինք և նոր օր է բացվելու, արհավիրքները հեռանալու են Հայաստան և Արցախ աշխարհներից: Փոշուց և ծխից մաքրվելու է հայ զինվորի հպարտ հայացքը, հայ մայրերը նորից են օրորոցայիններ երգելու, դեռ զալու են պայծառ արշալույսները և խաղաղ նիրհող մայրամուտները, համայն հայությունը միշտ է միասնական լինելու: Մեր տղաների բացակասները միայն ուսանողական մատյաններում են դրվելու, նրանց գնահատականները միշտ «գերազանց» է լինելու, նրանց անունները միայն աշխարհի լավագույն հարթակներում են հնչելու, որովհետև նրանք անգին են: Աշխարհի բոլոր կողմերից հայերը կրկին միավորվելու են, բայց այն այլևս ուրախության միասնություն է լինելու:

Մերօրյա պատանին ուսանողական նստարանին երկար նստելու բախտ չունեցավ, քանի որ ամենամեծ սերը՝ հայրենիքը, իր գիրկը կանչեց:

Պատասխանատվության զգացումով և գիտակցված անձնագոհությամբ տղաները գնացին առաջնագիծ՝ հանուն սուրբ գաղափարի: Անասելի ցավ կա բոլորիս սրտում, ամեն զինվորի կորստյան հետ մեր մի մասնիկն ենք կորցնում, ամեն երկինք բարձրացող հոգու հետ մենք էլ ենք բարձրանում, զոհվածները հավերժ ապրում են մեր սրտերում:

Ի լուր աշխարհի՝ պետք է ապրենք և ապրեցնենք մեր կոտորված հոգիները:

Լիանա Խրոշյան
ոստիկանության լեյտենանտ

ԿՐԹԱՅԱՍԱԼԻՐԻ ՍՈՎՈՐՈՂՆԵՐԸ ՄԱՐՏԻ ԴԱՇՏՈՒՄ



Պատերազմը գլխիվայր շրջում է աշխարհը, իսկ առօրյա կյանքը կարծրանում ու դառնում է կենսացմահու խրամատ: Իրարից անկախ մարդիկ՝ տարբեր երագանքներով, նպատակներով, մասնագիտություններով ու բնավորությամբ, համախմբվում են դառնալով մեկ բռունցք, ու դավանում են միայն մեկ արժեքի՝ պայքարելու ու հաղթելու հավատով՝ հանուն Արցախի ժողովրդի և համայն հայության խաղաղ ապագայի:

Սեպտեմբերի 27-ը հերթական կիրակիներից պետք է լիներ, երբ ՀՀ ոստիկանության կրթահամալիրի ակադեմիայի իրավագիտության ֆակուլտետի վճարովի ուսուցման սովորողները պատրաստվում էին հաջորդ շաբթվա դասերին: Մեկ ակնթարթում, սակայն, լսած բոթը՝ պատերազմ է, Կրթահամալիրի երիտասարդ քաջարի սովորողներին ստիպում է գրքերի ու տետրերի փոխարեն վերցնել զենքն ու առանց վարանելու՝ մեկնել ռազմաճակատ:

Հայրենիքի սահմանները պաշտպանող ապագա իրավաբաններն արդարության կնիքը պետք է դրոշմեն ոչ թղթի վրա, այլ մարտի դաշտում: Նրանք ՀՀ ոստիկանության կրթահամալիրի անպարտելի ոգով քաջարի սովորող-մարտիկները, պատերազմի առաջին զոհուն հայրենիքի անձնուրաց նվիրյալներ դարձան, նրանցից ոմանք՝ նահատակներ: Նրանք Հայկ Նահապետի արժանի

զավակներն են: Դեռ պատանի չդարձած՝ տղամարդ դարձան, ու առաջին կուրսեցիներն անգամ, դեռ ոտքը չդրած բուհի շեմին, առաջին ուսումնական տարվա բերկրանքը չվայելած, իրավաբան դառնալու երագանքն իրագործելու համար անվարան գնացին ծանր փորձության, չէ՞ որ նրանք այլևս երդվել են անմնացորդ նվիրվել հայրենիքին:

Ուսումը կիսատ թողնելը, ինչ խոսք, կազդեր նրանց մասնագիտական որակի վրա, սակայն, հոգ չէ. հայն առաջին հերթին զինվոր է, երբ վտանգի մեջ է հայրենիքը:

Հաղթանակի մեծ հավատով՝ արդարության այս մարտիկները գնացին մահվան աչքերին նայելու: Ցավոք, նրանցից ոմանք զոհվեցին: Նրանց երակներում հոսում էր ապրելու, ստեղծագործելու և հաղթելու կամքը, ու ողջ մնացած երիտասարդներն իրենց ընկերների շիրիմին երդվեցին, որ ամեն գնով կպայքարեն նրանց չիրագործված երագանքներն իրագործելու համար:

Թանկագին նահատակվածներ, ձեր հարագատ կրթօջախը վառ կպահի ձեր հիշատակը:

Անի Դուկասյան
ոստիկանության կապիտան

ՏԵՂԵԿԱՏՎՈՒԹՅՈՒՆ

ՏԵՂԵԿԱՏՎՈՒԹՅՈՒՆ

Պարեկային ծառայությունում պաշտոնի նշանակվելու նպատակով ուսուցման ընդունելության գործընթացի ընթացիկ արդյունքների և դասընթացների վերաբերյալ (թարմացված)

2020 թվականի դեկտեմբերի 5-ին ընդունող հանձնաժողովի 5-րդ նիստում ամփոփվել են ՀՀ ոստիկանության պարեկային ծառայությունում պաշտոնի նշանակվելու նպատակով ուսուցման ընդունելության արդյունքները, որից հետո մեկնարկել էր մրցույթով անցած 770 դիմորդների հետ պայմանագրերի կնքման գործընթացը:

Հայաստանի Հանրապետությունում հայտարարված ռազմական դրության և COVID 19 համավարակի պատճառով ոչ բոլոր դիմորդներն էին պայմանագիր կնքելու հնարավորություն ունեցել:

Վերագրյալով պայմանավորված՝ ընդունող հանձնաժողովի որոշմամբ պայմանագրերի կնքման գործընթացն ավարտվել է, և դասընթացները մեկնարկել են 2021 հունվարի 18-ին:

ՆՐԱՆԷ ԶՈՐՎԵՑԻՆ, ՈՐ ՄԵՆԷ ԱՊՐԵՆԷ

Պատերազմի մասին չեն պատմում. այն վերապրում են...

Պատմության յուրաքանչյուր հատված ունի դրսևորման իր ձևը: Դաճախ այն աչքի է ընկնում հերոսական դրվագների առատությամբ, իսկ հաճախ էլ բնութագրվում է որոշակի ծախսողումներով:

Ղարաբաղյան պատերազմի օրագրի էջերն առավել հարուստ են դրսևորման առաջին հերոսական, ամենացորդ նվիրումի, անհավատալի սխրամքների դրվագներով, որովհետև այն գրվել է ժամանակի հրամայականով և արդարության պահանջով:

1988 թվական, փետրվարի քսան: Տարեթիվ և օր, երբ Լեռնային Ղարաբաղի Ինքնավար Մարզի ներկայացուցչական մարմինը պատմական արդարությունը վերականգնելու որոշում կայացրեց: 1988-ի սկզբներին սկսված զանգվածային ցուցարարները կոչ էին անուն Ադրբեջանի ԽՍՀ-ի կազմում անարդարացիորեն գտնվող Լեռնային Ղարաբաղի Ինքնավար Մարզը վերամիավորել Խորհրդային Հայաստանի հետ: Ժողովրդական այս շարժումն աշխարհի ուշադրության կենտրոնում էր. դրանով հայության զարթոնքի ու ինքնորոշման սկիզբը դրվեց:

Որոշման լուրը հասավ Երևան և տարածվեց սփյուռքի ամենատարբեր գաղթավայրերում, արթնացրեց ողջ հայությանը՝ փոխելով նրա հոգեկերտվածքը, փաստելով, որ Ղարաբաղյան շարժումը մեկ չափում ունի՝ անցյալից դեպի ապագա, դեպի ողջ Հայաստանի ապագա...

Հայ ամհատը և ազգային հավաքականությունը համոզվեցին, որ միասնական ավուտով կարող են դուրս գալ պայքարի և այդ դեպքում կոհիմագրավեն անգամ ամենաբիրտ ուժին՝ ամբողջատիրական վարչակազմին: Վերամիավորման պատմական պահանջը հայ ժողովրդին հետագա մաքառման ուժ

հաղորդեց: Իսկ ժամանակն սպասում էր պահանջում...

Լիակատար շրջափակման մեջ հայտնված Հայաստանն ու Արցախը բռնեցին սեփական ուժերով վերամիավորման և բախտը սեփական ձեռքերով կրելու ուղին:

1991 թվականի սեպտեմբերի 2-ին հռչակվեց Արցախի անկախությունը:

Թեժացավ պատերազմը: Որսորդական հրացաններին փոխարինեցին գնդացիներն ու տանկերը. հայությունը սխրամք գործեց:

1992 թվականի գարնանն արցախյան գոյամարտը թևակոխում էր նոր փուլ, և մայիսի 8-ին հայկական ստորաբաժանումները մտան ադրբեջանական զորամասերից մաքրված պատմական Շուշի քաղաքը: Շուշիի ազատագրումն առաջին հերթին ազատամարտիկների անձնագոհության և սպայական կազմի խելամտության արգասիքն էր: Այս ռազմական գործողությամբ ապացուցվեց հայ ժողովրդի ռազմական մտքի կենսունակությունը:

Դեռևս 1988-ի փետրվարյան օրերին Թատերական հրապարակում ինքնապաշտպանական ջոկատներ կազմակերպելու կոչեր հնչեցին, և Ստեփանակերտում, ԼՂԻՄ-ի մի շարք բնակավայրերում ձևավորվեցին առաջին ընդհատակյա ինքնապաշտպանական ջոկատները, որոնք զինված էին որսորդական հրացաններով և ինքնաշեն զենքերով: Ինքնապաշտպանական մեծ թվով խմբեր և ջոկատներ կազմակերպվում էին նաև Հայաստանում: Հետագա ամբողջ ընթացքը ցույց տվեց, որ կամավորական ջոկատներն Արցախում և Հայաստանում փայլուն կատարեցին իրենց իսկ կողմից դրված խնդիրները:

Սա հաղթանակ էր, որի սկիզբը դրվեց 1988 թվականին:

Ակնհայտ էր, որ ստեղծված իրավիճակում

ադրբեջանական կողմն այլևս չէր կարող իր քանակական ու ռազմատեխնիկական գերակշռությամբ ռազմաճակատում բեկումն մտցնել: Հետևաբար, հասունացել էր զինադադարի հաստատման պահը:

2016թ. ապրիլի 1-ի լույս 2-ի գիշերը 25-ամյա զինադադարից հետո Ադրբեջանի Հանրապետության զինված ուժերի նախաձեռնությամբ Արցախի Հանրապետության պաշտպանության բանակի ռազմական հեծակետերի և շփման գծի երկայնքով սկսվեցին լայնամասշտաբ ռազմական գործողություններ: Արցախյան կողմը հակահարվածներ հասցրեց ինչպես ադրբեջանական ռազմական հեծակետերին, այնպես էլ շփման գծի երկայնքով: Առավել թեժ մարտեր են ընթացել ռազմաճակատի վերածված առաջնային գծի հարավային (Հադրութ) և հյուսիսարևելյան (Մարտակերտ) ուղղություններով:

2016 թվականի ապրիլի 2 -ից 5-ը դարաբաղյան շփման գծում տեղի ունեցած իրադարձությունները պատմության մեջ մնացին որպես Քառօրյա պատերազմ: Թե՛ ռազմական գործողությունների ծավալով և թե՛ կիրառված զենքի ու զինտեխնիկայի հզորությամբ ու քանակով տեղի ունեցածն իրապես էլ պատերազմ էր: Փաստը կրկին արձանագրելու համար մշտնապես, որ ադրբեջանական կողմն այս պատերազմի մեջ մտավ նախապես ունենալով մի շարք առավելություններ: 2016-ի Ապրիլյան պատերազմը ծանր փորձություն էր հայրենիքի սահմանները պահող զինվորների, նրանց ծնողների և ամբողջ հայության համար:

Դեռ չէր լռել ոսոխի թնդանոթը, հայոց երկնքում դեռ չէր ցնդել վառողի հոտը, դեռ արցախյան հողը թաց էր մեր քաջորդիների արյամբ, երբ 2020 թվականի սեպտեմբերի 27-ին առավոտյան ժամը 07:10-ին, լայնամասշտաբ պատերազմ սկսվեց արցախա-

ադրբեջանական շփման գծի ողջ երկայնքով:

Այդ ծանր պահին 18-20 տարեկան հայ զինվորները, ռազմաճակատի առաջին գծում ծառայող հայ պատանիները, որոնք իրենց վրա ընդունեցին ադրբեջանական ագրեսիայի առաջին ալիքը, հավատարիմ հայկական ավանդությանը, մեծարելով տարիքավորներին, խրամատներում իրենց տեղը չզիջեցին իրենց օգնության եկած կամավոր երկրպահներին, որոնք, ըստ էության, նրանց պապիկները, հայրերը և ավագ եղբայրներն էին: Հայ զինվորների դրսևորած քաջությունը և հակահարվածն ապացուցում է, որ հայ պատանիները ոչ թե սովորական զինվորներ են, այլ կորյուններ, որոնց լույս աշխարհ են բերել առյուծածին հայ մայրերը, անվախ, քաջարի մարտիկներ, որոնց համար ամենաբարձր արժեքը ՀԱՅՐԵՆԻՔԸ է, հայրենի հողի, հայ ընտանիքի անվտանգության պաշտպանությունը:

Արցախյան պատերազմը մեր ժողովրդի խտացված կոչվել է պղծված պատմության և անարդարության դեմ: Եկել էր նախորդ դարերում ու տասնամյակներում չկրակված փամփուշտները կրակելու ժամանակը, այլևս պետք էր վառողի օդ չնչել: Եվ Արցախը կանգնեց պարտադրված պատերազմի կրակոտ երախի առաջ ու չվարանեց սեփական որդիների արյամբ կերտելով մի նոր պատմություն, սովեց հարյուրավոր հերոսներ, պատմության մի ամբողջ էջում ամուն առ անուն գովեցին հերոս տղաների կատարած սխրամքները՝ մինչև վերջին փամփուշտով արնաքան վերքերով մարտնչելը: Պատերազմը հաղթանակով չպատվեց, բայց մենք չպարտվեցինք, քանզի հայի ոգին անպարտելի է, և մի օր մենք կրկին կներկայանանք աշխարհին մեր հաղթանակներով:

Ամնա Սարուխանյան
նստիկանության կապիտան

ԱՐԺԱՆԱՅԷՔ ՀՀ ՈՍՏԻՎԱՆՈՒԹՅԱՆ ՊԱՐԳԵՎՆԵՐԻՆ



«Ոստիկանության 100-ամյակ» հոբելյանական մեդալով ոստիկանության ծառայողը պարգևատրվում է ծառայողական պարտականությունները բարեխղճորեն, բարձր պատասխանատվությամբ կատարելու և բազմամյա ծառայության համար:

«Հայաստանի Հանրապետության ոստիկանության պատվավոր ծառայող» Հայաստանի Հանրապետության ոստիկանության պատվավոր ծառայող կրծքանշանը տրվում է ոստիկանությունում օրացուցային հաշվարկով ոչ պակաս, քան 25 տարի ծառայած և 20-ից ոչ պակաս խրախուսանք ունեցող ոստիկանության ծառայողին՝ ոստիկանության առջև դրված խնդիրների իրականացման, ոստիկանության կայացման, զարգացման, օրինականության ամրապնդման գործում զգալի ավանդ ներդնելու, ծառայողական պարտականությունները կամ հատուկ առաջադրանքները գերազանց կատարելու, ինչպես և երկարամյա ու անբասիր ծառայության համար:

ՍՏԵՂՁԱԳՈՐԾՈՒՄ ԵՆ ՄԵՆԷ

ԳՈՐԻՍ

Ով չքնաղ Գորիս, սե՛գ, հպարտ սարեր, Մայր Հայաստանի բարձրաբերձ լեռներ, Կանգնած եք անհաղթ դարերով հնուց, Ձեր ծոցում եք դուք փայփայել Բակունց:

Չորերդ խորն են, մթին, ահռելի, Վերքեր են տեսել, ցավ անբուժելի, Հայ ժողովրդի քարքարոտ մատյան, Աշխարհ ես բերել դու Աշոտ Սաթյան:

Որոտանն է քո դաշտերը ջրել, Սարերից վազել ու քո գովքն արել, Երզը չի լռել երբեք մի վայրկյան, Դու պատմություն ես, Սեր՝ Խանգաղյան:

Ջրերդ անուշ գուլլալ վարարել, ժայռի պռնկից կաթ առ կաթ թափվել,

Արարել կյանքի սիրո ավազան, Քեզ հետ է ապրել Սուրենն Այվազյան:

Մարդիկ են ապրել մթին ժայռերում, Վարուցանք արել քարքարոտ հողում, Քեզ հետ են նրանք միշտ ու առհավետ, Հերոսի մահով ընկար, Սպարապետ:

Ու քարից մարդիկ դեղ են պատրաստել, Փշերից անգամ հյութեր են քամել, Դեղն այդ բուժել է շատ ու շատ վերքեր, Չէ՞ որ դու ունես բժիշկ Յուլյաններ:

Սոխակի նման ջուրն է կարկաչել, Լուսաբացն անուշ ծաղկով է բացվել, Գարունն էլ ասես ժպիտ է թախծոտ, Քո երգն է ծորում, մե՛ծ Գուսան Աշոտ:

Կարինե Կիրակոսյան
նստիկանության զննապետ



ԽՈՐՀՈՒՄ ԵՆ ՄԵԾԵՐԸ

Հայրենիքը սիրում են ոչ թե նրա համար, որ մեծ է, այլ նրա համար, որ քոնն է:	***	Առևտրականի համար հայրենիքը իր գրպանն է:	Շենշուլ	***	Ալ կապոնեն
Մեր հայրենիքում մեզ սպանեցին, բայց հայրենիքը մեր մեջ չսպանվեց:	***	Մերը դեպի հայրենիքը քաղաքակիրթ մարդու առաջին արժանիքն է:	Նապոլեոն Բոնապարտ	***	Չկա ավելի մեծ դժբախտություն, քան հակառակորդին թերագնահատելը:
Հայրենիքից գատ, Հայրենիքից դուրս ինձ համար խաբուսիկ են բոլոր դրախտները:	***	Հայրենիքին դավաճանելու համար հարկավոր է հոգու արտակարգ ստորություն:	Չերմիշևսկի	***	Արիությունը ծնուն է հաղթողներ, համերաշխությունը՝ անպարտելիներ:
Կարևոր է, որ դու պատրաստ լինես մեռնել հանուն քո հայրենիքի, բայց ավելի կարևոր է, որ դու պատրաստ լինես ապրել հանուն նրա:	***	Բռնությամբ նվաճած հաղթանակը հավասարազոր է պարտության և ժամանակավոր է...	Ահաբնա Գանդի	***	Հաջողությունը վերջնական չէ, պարտությունը ճակատագրական չէ, քաջություն ունենալ շարունակելու՝ ահա թե ինչն է կարևոր:
Թողորր Ռուզվելտ	***	Այս կյանքում երկու բան՝ սեր և		***	Ուինստոն Չերչիլ